





MAGNIFICI quondam,
NOBILISSIMI, CONSULTISSIMIQ, VIRI,
DOMINI

CHRISTOPHO-
RI Richter /

Regii Provinc. Pomeraniæ Consili-
arii, & Incl. Civitatis Stetinenſis Consulſ
Opt. meriti

EXSEQUIAS

Ipf. Eid. Martii, qvi dies CHRISTOPHORO
in fastis ſacer eſt,

Solenni ritu celebrandas
indico

ANDREAS GOTTFRIED AMMON,
Regii Gymn. CAROLINI Rector,
& Phil. Prof. P.

idemqve

STUDIOSAM GYMNASII JUVENTUTEM
ad funus Primarii viri

decenti frequentia proſequendum.
invito.

STETINI; Typis DANIELIS STARCKII, Reg. Gymn. CAROLINI Typ.

MAGNIFICI PRINCIPES
 NOBILISSIMI CONSULESSIMI VIRI
 DOMINI
 CHRISTOPHO.
 R. I. R. I.
 Regii Province Pomeraniae Consuli
 et, et loci Civitatis Stralsundensis Consulis
 Opt. meriti
 EXSEQUIAS
 Ipsi Eius Martiri, qui dies CHRISTOPHORO
 in fatis laetis est,
 Solemnis ritu celebranda
 indicia
 ANDREAS GOTTFRIED AMMON,
 Regii Gymnasii Carolini Rector
 & Phil. Prof. P.
 idcirco
 STUDIOSSAM GYMNASII JUVENTUTEM
 ad hunc Primatum sui
 decore frequentia profecturam
 invito.
 STRALSUND: J. DANIEL STARKMANN, Typographus, 1799.



Um scripto aliquo supremos primario cuidam Viro honores tribuere instituimus, non ignotam recordamur eruditæ antiquitatis amantibus prisca consuetudinē Græciæ, quam vetus quoque imitata videtur esse Germania. Istas enim gentes præter cæteras occupatas fuisse accepimus quotidie, Deorum suorum & illustrium virtutibus Heroum scribendis atq; decantandis laudibus. Quamquam autem Majores quidem nostri, Germani veteres, nitorem istum Græci carminis assequi non possent, rem tamen ipsam simplicitate quadam sermonis vel studiosius expressisse videntur. Veritati enim studebant potissimum, cum Græci homines delectare magnopere conarentur. Utrique certè sic videntur sensisse, quorum plurima exstarent in omne genus hominum merita & maximè illustris esset virtus, iisdem cum gratias deberi exquisitissimas, tum plura esse ab illis bona & expectanda & petenda. Fortes autem viros atque justos, maximis scilicet illos duabus virtutibus præditos, quarum altera in pace, altera in bello maximè prosit, laborum

vigiliarumque suarum præmium, laudem atque gloriam, nec
intermorituram meritorum memoriam, suo sibi jure vindicare. Sic videlicet & illustribus exemplis & spe laudis post
sera quoque fata sibi tribuendæ plures excitari ad officium,
resque benè ac præclare gerendas sentiebant. Consuetudi-
nem hanc obsoletam, quod Reip. non parum interesset, re-
vocare voluisse videntur, qui præter honores ceteros beatè
mortuis habendos literario quodam monumento eorundem
memoriam eruditis, studiosæ in primis artium ac virtutis ju-
ventuti voluere commendari. Rectius sane hujusmodi char-
tæ impenduntur, Reique publ. inserviunt melius, quàm varii
ingeniorum foetus, quos hoc seculum parturit, inter quos
libri sunt tales, qui non modo non juvant, sed multis quoque
modis nocent. Nondum elapsus annus est, ex quo blasphemum
aliquod Lexicon Belgicum, Amœna villa inscriptum
in lucem missum nunciabatur, quod tamen providâ pii Ma-
gistratus autoritate denuò rectius in lucem ita mittendum
visum est, ut flammis combustum ne esset offendiculo in-
cautioribus, neque ea, quæ impurus aliquis & cœno intin-
ctus calamus in sacras etiam evomere literas non erubuerat,
impune inter homines Christianos divenderentur aut lege-
rentur. Exempla verò literis mandari recta cum vetera,
tum recentia, deque benè meritis ad laudem viris non ob-
scure, quæ memoratu digna sunt, nunciari, id verò in viam
errantes revocet, fructumque non pœnitendum civitati præ-
stet, dum adolescentem præsertim juventutem mirificè ca-
pit, Reique publ. bonos cives præparat. Nobis quidem hodie
morta-

mortalitatis vitæque in ea rectè & honestè degendæ exem-
 plum sistitur Vir quondam Magnus Nobilissimus & Con-
 sultissimus, DN. CHRISTOPHORUS RICHTERUS,
 Consiliarius Regiæ Pomeraniæ Provincialis, & Consul Incl.
 hujus Civitatis opt. meritis; quem natum accepimus hîc
 Stetini a. d. XIII. Kal. Novembr. annæ MDXCVI. Patre
 FRIDERICO, Viro integerrimo, cive ac pellione; Matre
 ELISABETHA HENNINGIA. Primos ætatis annos for-
 mavit sedula parentum cura, quâ & sacro est baptismate ini-
 tiatus, & ad omne virtutis genus ab incunabulis institutus.
 Simul ac per ætatem potuit, in Scholam Senatoriam missus
 & hîc & postea Stralsundii, Annæbergæ etiam in Misnia li-
 teris operam dedit: Anno verò hujus seculi XIII. cum huc
 rediisset, in illustre Pædagogium receptus est, Rectore M.
 Christophoro Hunichio, cujus ductu Philosophicis potissi-
 mum studiis incubuit. Ejusdem consilio postea Anno cl-
 læ XVI. in Academiam Argentinensem concessit, sacris Theo-
 logiæ studiis sese dediturus. Neque nulla ibidem industriæ
 specimina publicè exhibuit, dum sequenti anno, quem
 Jubilæum agebat Ecclesia ob cœptam seculo ante feliciter
 Reformationem, ductu M. Caspari Brülövii, Professoris
 Poëseos & solutas & ligatas orationes habuit. Cum autem
 non poenitendos jam in bonis artibus profectus fecisse vi-
 deretur, anno seculi XIX. cives quosdam suos peregrinati-
 onis sibi adscivit socios & comites, cumq; Casparo Janthe-
 sio, Ducalis Dicasterii quondam Advocato, & Nicolao Mar-
 tini, Demminensium quondam Ecclesiaste, Argentinâ & ex

Alsatia abiens Helvetios invisit, Basileæ aliquantisper commoratus. Inde per jugum Gotthardi in finibus Alpium Penninarum & Rhæticarum, intra fontes Rhodani & citerioris Rheni situm, in Italiam perrexit, ejusdemque urbes vidit præcipuas, Mediolanū Metropolin Insubriæ, Veronam, Vicentiam, Patavium, Venetias, Mantuumam, Ravennam. Umbria porro etiam, Piceno, Samnio peragratis Anconem, Aquilam, Sulmonem, Ovidii patriam, invisit: Apuliam denique & Lucaniam cum attigisset, Neapoli in Campania paulisper commoratus in reditu Romam salutavit: Inde Etruriam transiens, Senam Juliam, Pisas, Florentiam, Genuam, Bononiam vidit. Regressus per Pedemontanam & Sabaudia, Augustam Taurinorum præter ceteras, quas recensere nihil attinet, urbes invisit. Lugdunum porro ad Rhodanum situm, atque inde digressus per Ducatum Borbonium, Noviodunum pervenit. Hinc per fines Biturigum transiens cum Aureliam & Lutetiam Parisiorum invisisset, per Burgundiam salvus Argentinam est reversus. Anno seculi XX. in patriam revocatus ab ægroto parente, obsequium præstitit, eidemque beatè morienti a. d. V. Id. Decembr. præstò fuit. Sequenti anno XXI. in Academiam Gryphisvaldensensem se contulit sacra studia continuaturus. Habuit igitur in reliquo studiorum cursu Disputationem Theologicam, & Collegio privato Theologico sub B. D. Mascovio interfuit. Cum anno seq. XXII. huc reversus esset, sacras in templis conciones habuit, in Philosophicis etiam, adhibitis aliis, quorum plures inclamarunt postea, studiosè diligenterque se exercuit. Post-

et clarorum virorum svasu ad Juris studium animum ap-
pulit, quod quidem jam ante quoque cum Theologiae stu-
dio conjunxerat. Profectus igitur Francofurtum ad Via-
drum in convictu D. Parchovii vixit, cumq; aliis Juris Can-
didatis habitis discursibus & quotidianis exercitiis magis ma-
gisq; profecit. Cum sub D. Matthæo Coldobacio Dispu-
tationem Juridicam & Collegium JurisPracticum, quo non
parum se adjutum professus est, habuisset, Stetinum ad suos
reversus est, annoqve seculi XXIII. prid. Id. Octobr. matri-
monio sibi junxit M. Davidis Meisneri, Assessoris Judicii &
Scabini filiam, Annam, quâcum conjuge ultra XL. annos
placide vixit, pater interim factus filiarum VI. quarum tres,
duas quidem matrimonio jam elocatas, cum tribus generis,
quos filiorum instar dilexerat, & Conjuge dilectissima, mœ-
stus præmisit. Avus autem fuit nepotum XXIX; unius de-
niq; pronepotis proavus. Sed describendus erat etiam bre-
viter cursus honorum ejus, quibus virtutum suarum præmiis
divinitus est affectus. Primum quidē, cū verlatus inter Pro-
curatores Judicii, suis partibus rectē fungeretur, facile aditus ei
ad altiora patuit. Adscitus igitur postea est in numerum Ad-
vocatorum Ducalis Dicasterii & Stetinensis & VVolgastensis.
Anno verò seculi XXXIIX. omnibus suffragiis in Senatoriū
ordinem lectus, multis ex illo tempore officiis Patriæ suæ præ-
stitis benè mereri studuit. Anno III. Ecclesiarum ad D. Ja-
cobi & D. Nicolai Provisor constitutus, fideliter sacros redi-
tus octennium ipsum administravit. Anno LII. in Judicio
suburbii, quod Lastadium dicitur, Prætoris munus suscepit.

Quadri-

Quadriennio post Camerarii dignitate ornatus, summōs denique Consulatus honores anno LIX. capessivit. Quibus ille quidem honoribus, uti decuit, usus publicæ potius salutis quàm suæ intentus fuit, testisque est tota civitas, quot & quàm periculosis itineribus sub Stetinensem obsidionem præcipue defunctus fuerit, aliquoties etiam missus ad comitia Provinciæ. Anno LX. nomine Senatus & Civitatis cum B. Dn. Henrico Starckio, Holmiam ad S.^{am} R.^{iam} M.^{tem} profectus, Reipubl. commodis prospexit, præterque cætera, ornatiores Civitati insignia, & jura quoque Nobilitatis sibi & Collegis Consulibus, suisque in hoc munere successoribus reportavit. Quo tempore cum moneretur, ut sibi quoque privatim consulere, peteretque aliquid à S.^a M.^{te} R.^{ia}, cujus facilis tùm futura fuisset impetratio; noluit ille tamen, cum publico adesset civitatis nomine, suis tunc invigilare commodis. Triduò igitur navi Stralsundâ Holmiam reversus est, quò ante alio triduò trajecerat: Hæc & alia B. Viri merita secutus est denique honor, quò anno LXIII. mense Martio Consiliarius Provinciæ Regius designatus, postrid. Id. April. in arce VVolgastana jusjurandum præstitit. Neque tamen hisce auctus honoribus de pristina ille modestia descevit unquam, sed DEO potius devotas ac submissas gratias agens benè mereri de omnibus studuit, quanquam neque livor illi parceret. Æquo verò animo injurias aliorum & acerba odia pertulit, præsentem interea DEI opem multis locis sentiens. Vel cum aliquot abhinc annis à XII. armatis NB. equitibus peteretur, qui rapere illum & curru parato aliò vehere-

vehere constituerant, cum iisdem colluctatus singulari DEI beneficio saluus evasit. Nota est omnibus pietas viri & innocentia, ardorq; adhibitus in cultu divini Numinis, cuius etiam Ministros semper in pretio habuit: Alij exemplum ejus intuentes sunt confirmati; Miseris perfugium, afflictis solatium præstitit, juris & æqui custos atque vindex, propinqvorum etiam, quos vel in Academiis aluit, vel alia ratione juvit, benignus tutor atque patronus. Vitæ tandem purè eleganterque actæ finem fecit a. d. VI. Kal. Martias, ipso meridie. Quum enim jamdudum de membrorum corporis debilitate questus esset, sacram tamen ædem & curiam, quoad potuit, frequentavit. Postquam autem a. d. VII. Id. Febr. quæ dies Dominica Septuagesima dicebatur, sacræ concioni interfuisset, domumque, sacris finitis omnibus, reversus esset, frigoris inclementia visus est debilior redditus, viresque sensim ex illo tempore frangi cœpere. Non defuit quidem experientissimi Medici fides & industria, cum animadverterentur præsertim affectus soporosi, lethargia spuria cum febre lenta: sed ætate in senium vergente, corporisq; imbecillitate monitus finem vitæ adesse præsagiebat. Confessus igitur a. d. XII. Kal. Mart. Deo humanos errores suos SS. Eucharistiæ viatico instructus est, paucisque diebus post inter preces adstantium quasi indormiens exspiravit annos natus LXXII. & menses quatuor. Hodie, qui dies Christophoro in fastis sacer est, exuviæ solenni ritu terræ mandabuntur. Quod ipsum nomen cum beatè defuncto in sacro Baptismatis lavacro obtigisset, eundemque sæpius Christi

sui, nostrique Vindicis commonefecisset, quasi signum aliquod in exsequijs ipse sustulisse videatur, suamque tacitus fidem professus esse. Nostrum erit, studiosa Juventus, decenti frequentia exsequias ire, & exempla virtutum, quibus ille vitam suam illustravit, studiosè imitari. Adolescitis & vos in spem Reipubl. quam quisque in partem aliquando juvare tenebimini. Nec defore confidimus, qui perinde, ut beatè defunctus, Patriæ consiliis & autoritate aliquando sint opem laturi. Ad eam autem rem præparato jam opus est, ne, si quis imparatus accedat, & sibi turpem ignominiam, & publicè damnum irreparabile afferat. Senator hodiè in Consilio Provinciæ Regio & Civitatis Consul est sepeliendus. Succedant ordine alii, suisque humeris imponi molem Reipubl. patientur. Paucis quibusdam annis elapsis vestrum etiam aliqui sua, quidam fortè non dissimilia munia capebant. Tum verò ignorare vobis non licebit præcipua Politici officia, & decebit vos prudentià aliquam, in primis βουλευτικήν & δικαστικήν vobis comparasse. De consiliis, inquam, capiendis seu rectè instituendis consultationibus de capitibus illis, circa quæ deliberationes publicas versari, ex arte dicendi audivistis, eritis solliciti; Modumque præterea judiciorum exercendorum & juris administrandi addiscetis: Quorum rerum cognitione nisi instructi fueritis, periculum est certè, ne minùs rectè in Republ. versemini. Non ero multus hodiè in hoc argumento, quod aliàs persequor pluribus. Unicum modo exemplum vobis ex antiquitate considerandum proponam. Invenietis id descriptum à Xenophonte lib. III. memorabilem, ubi cum exposuisset Colloquium Socratis cum Pericle de arte Imperatoria, & iis, quæ facerent ad consilium dandum de re bellica, recenset, quomodo idem Socrates Glauconem Oratoris usurpare munus ac præesse Reipubl. gestientem (Oratorum enim nomen istis seculis tribuebatur iis, qui Rempubl. administrarent; quod hodiè vile haberi ac tantæ dignitati impar videtur, rectè, an secus, jam non

non disputo,) ab hoc instituto averterit, ita primò affatus hominem, ut non invitus audiret dicentem, postea, cum quidem dubium non esset, quin aliquam Reipubl. utilitatem afferre deberet, siquidem honore potiri vellet, per DEOS obtestatus sit eum, diceret, unde principium afficiendi beneficiis Reipubl. facturus esset. Illi quidem consideranti paulisper tacitè, unde potissimum inciperet, suggerit Socrates, annon, uti domum amici amplificaturus conaretur eam reddere locupletiores, ita civitatis quoque opes augere primum vellet omnium. Cum ille annueret, rogat Socrates, quibus ergo ex rebus & quantos proventus civitas habeat, & siqui forte minores sint, aut amissi, quo consilio usus sit ad eos amplificandos aut recuperandos. Fatentem, se nunquam considerasse, quantum reddituum civitas ex quaque re perciperet, rogat, ut saltem sumtus, quos faciat civitas, exponat: fortè enim eum cogitasse, quomodo supervacuos posset tollere. Sed ne his quidem se vacasse unquam, confitenti, aliud publici consilii caput proponit Socrates, fortè cogitasti, inquit, Glauco, Reipubl. etiam ab hostibus posse locupletiores fieri. Annuenti, ita vero, ait, Socrates, siquis eos superet: At si illis inferior sit, hunc etiam sua perditurum. Atque hinc discebat quidem Glauco, illum, qui de re bellica velit afferre consilium, & civitatis suæ & hostium vires oportere habere cognitās. Quod cum Glauco neque memoria teneret, neque scripto comprehensum, quantæ essent Atheniensium copiae pedestres, navales, quantæque vires vicinorum aut hostium, illam etiam de bello consultationem in præsens prætermittendam Socrates dicebat. Idem cum de custodia regionis, itemque de annonæ, quantum Glauco nesciret, faceret explorasset, graviter hominem diserteque admonuit, ne perversa & intempestiva gloriæ cupiditate in contrarium prolaberetur, quippe qui jam videret, quàm periculosum sit ea dicere vel agere aliquem, quæ ignoret: se nosse multos, qui in contemptu potius, quàm admiratione sint eò, quod tractent ea, quæ nesciant. Sed hæc, quo dixi loco, præ-

ter alia legetis, quorum nosse interest. Nos quod dicere institu-
 eramus, hoc erat. Ut exsequias Viro optimè de hac civitate, no-
 stro hospitio, merito, decenter & frequentes eatis, atque ad simi-
 lia, dum vivitis, in patriam & omne genus hominum conferenda
 merita Vos, suo quisque loco, maturè diligenterque præparetis, pu-
 blicè vos denuò cohortamur. V.

P. P.

STETINI,

Ipsis Idibus Martiis, qui dies

J. Cæsaris, annis abhinc clō lcccxi. Romæ
 in curia confossi morte est nobilis.

Anno aræ Christianæ
 clō lcc lxxix.





1002349 Bibliotheca 500,-
P.P. Camaldulensium in Bielany

Depozyt w Bibliotece Jagiellońskiej



10230

X. v. 28

